

西北民俗文獻 第五卷

中國西北文獻叢書



中國西北文獻叢書·第四輯

西北民俗文獻

第五卷



新學
社
PDG

目 錄

葉迪紀程

民國 鄧纘先

三

游隴集

民國 程先甲

一六九

游隴叢集

民國 程先甲

二八三

甘肅大通縣風土調查錄

民國 聶守仁

三六一

民國十年辛酉嘉平月

葉迪紀程

維陰汪步端署檢



弁言

鄧君芑洲粵之績學士也歲乙卯以知事分新疆爲當道所
器重初宰烏蘇繼任葉城庚申之冬卸事晉省著葉迪紀程一
書索序於震受而讀之其中援古証今考据精當記註詳明間
或發爲歌詠亦磊落有奇氣洵傑作也至敘莎車和闐沿邊山
川形勢皆震經歷所至恍若舊遊因憶己丑秋震由庫車同知
任調節署佐治軍書見喀什噶爾道詳報英遊歷楊哈四班經
過葉城山內以銀元六百交是處布民頭目土爾的胡修築賽
圖拉英成圖智
作叶的拉堡一案莎車直隸州劉嘉德稱安集延竊據南疆時
以中國之界爲界曾在是處設卡則是處當在中界之內葉城

縣黃袁則稱冬雪封山須俟來春往勘未能指出界址袁適奉
署莎車州檄於庚寅閏二月蒞任下車之始首勘界務查得卡
拉胡魯木達坂（英俄圖皆作喀喇湖隆山口）水分南北流確
爲中外交界當即派員於峯頂修築界墩並越賽圖拉南二站
之素蓋提地方修築堡卡稟明委員駐守蓋以卡拉胡魯木達
坂之上盛夏寒凍當築界墩時非百沸之水不能和泥故於距
內四站之處設卡仍陳明卡員於冬十月經行停阻之時回駐
桑株次年四月進駐素卡嶺上均奉准行而中外之界以定是
年七月楊哈思班復請照遊歷由卡拉胡魯木入卡經素蓋提
正我修堡將成見我經營其間不禁爽然到莎晤見數次曾攜

一圖爲英文山其書人馬繼業指示某爲拉達克即條邦地某爲喀

喇澗隆山口某爲喀的拉即某爲桑株某爲奇靈即克里陽

卡英俄圖皆名奇靈然後問中國界在何處答以在卡拉胡魯
木達坂即圖中之喀喇澗隆山口楊當愕然問中國界非奇靈
桑株乎答以奇靈桑株爲我之內卡若卡拉胡魯木則外卡也
君不見該處之水分南北流乎楊遂言我印度總督以彼處地
面似乎無人保護茲既爲中國界內地地方來時亦見經營堡卡
則保護有人我印度總督亦甚歡悅云云遂攜圖而去後至喀
什再未談及界事於給賁土爾的胡修堡一節亦隱而不宣然
彼時我已將土爾的胡發往喀什山內天格塔地方安置矣楊

曾謂及該布目以何罪被遣答以該頭目需索虐待布民經布民告發查明有據故有是舉楊謂其在中國犯罪我不便干涉惟上年經過其處該頭目照料甚周於我確有感情可否代爲乞恩釋回震以權在長官却之楊亦無言旋取道帕密爾出境而馬繼業獨留以大英國駐喀辦理印度政府事名義來往莎和各縣辦理贖奴及爲印度商人追帳等事未幾遂改爲駐喀領事而土爾的胡亦於是時徑向總理衙門交涉釋回當馬繼業之在喀辦事時屢言由卡拉胡魯木達坂向東北行由黑黑孜江干取道喇斯庫穆以達葉城之玉拉里克莊道路平坦較之由素蓋提卡入克里陽桑株等處重巒疊嶂險阻百出爲營

天淵何不開通此道以惠商人。震以非奉長官之命不便由我作俑。迨後馬在葉城辦贖奴事。向葉城令言之。由葉令通稟已奉准矣。震獨以邊界重在守險。若開此道。目下雖可使商若一旦有事。外人長驅直入。從何守禦。堅持以爲不可。並牘請於八札達拉設卡。凡由此道來者。於八札達拉一律阻止。不准入卡。仍令折回由素蓋提入卡。如是數次。商民始由原路行走。不貪此道而馬之奸謀遂止。至今八札達拉卡仍舊而此道幸未失險。此經歷莎車邊界之往事也。至于闐縣之普魯山。有徑越阿克賽成羅多克以達條拜提設省之初。此徑早經掘斷。山內居民有赴山外採金者。多搭木爲棧道。冒險以行。震牧和闐時有

英人某遊歷到和言尙有同人取道羅多克入普魯山要求修理掘斷之路震堅拒之未一月其同人果由條拜提來途中以百羊馱載餵糧食盡一羊之載即併羊宰食迨過山尙餘羊八十餘隻過山行險跌斃脚夫一人深怪震之不爲修路拂然而去蓋英人初意欲開通此道未能如願相償宜其不悅然彼時我之主權尙固彼亦無可如何又有法人呂推者先循卡拉胡魯木達坂出中境至條拜提更向南行復由和闐南山昌器利兩達坂入中境以未得通藏之路始由于闐越卡牆至諾羌度山內入藏途中遇害而罷揣其行徑蓋欲由和闐越卡牆移藏山南相傳于闐產玉石山南即滇省產翠玉處外人探險

家之不憚修阻有如此者此又和闐邊界震所經歷之往事也
遂縷述之以備

高明參考不作序文觀可也

民國十年五月當塗潘震謹識

三六系禾

田

+

余曩嗜中外名流之旅行日記偶得佳本讀之往往如身歷其境甚或縈諸夢寐流連而不能自己雖今日輪軌棧通五洲之大可於數十句環游一週然非雄於資者不能也吾國念餘省車轍馬迹且不能遍歷遑論歐美行年五十未一覩海外之盛往歲曾游宦龍沙移官燕市登秦岱踰江淮攬金陵西湖之勝迫於簡書又來西域足迹所經幾兩萬餘里然自出關以來牽於職守忽忽三載天山之南尙未親蒞亦可慨已每遇自南疆來者輒舉山川道路與夫物土之宜風尚之變遷博訪周諮然耳熟不能詳也今年夏鄧君芑洲以所著葉迪紀程問序於余取而讀之凡所敘途間經歷如山脈水道物產民風城市盛衰

之迹官治沿革之由靡弗援古證今舉要陳述偶有感觸則仰
吟俯歎好爲騷體以發摠其奇氣熟精文選旁及百家纏綿悱
惻若有不能已於言者劉舍人云登山則情滿於山觀海則意
溢於海芭洲其有之矣獨是邊疆變革幾幻滄桑見聞既富考
据斯精當塗潘公鹿蹟老於邊事任南疆繁要牧令以至監司
有惠政所至訪風問俗無微纖巨細均能強識無遺覽茲編而
書之凡芭洲所未詳者一覽可知以明而信之則斯編也益可
以信今而傳後矣安得天山南北盡有芭洲蹤跡日手一冊隨
筆紀錄更求詳贍則余所司興利實邊之計畫亦得有所考鏡
豈不懿哉

民國十年歲屆辛酉重九日酒泉閭毓善序

